

KATRIYÈM PATI

Priyè krétyin-an

PRÉMIÉ SÉKSION

Priyè-a nan lavi krétyin-an

PRÉMIÉ CHAPIT

Révélation priyè-a

Sé tout moun yo rélé pou priyé

2566 *Moun-nan ap chèché Bondié.* Bondié rélé tout sa-k égzisté
296 palintèmediè kréasion apati anyin-an pou-l vîn nan égzistans-la. Moun-
nan, ki kouroné ak gloua épi onè (cf. Ps 8, 6), apré anj-yo, kapab rékonèt
kijan Non Granmèt-la gran sou tout tè-a (cf. Ps 8, 2). Moun-nan, minm
355 apré li fîn pèdi résanblans-li ak Bondié poutèt péché-a, li kontinué égzisté
28 dapré pòtré Kréatè-l la. Li konsèvé anvî Kréatè-a ki rélé-l pou-l égzisté-a.
Tout rélijion-yo témouagné réchèch ésansièl-la kay moun-nan (cf. Ac 17,
27).

2567 *Sé Bondié, an prémié, k-ap rélé moun-nan.* Kit moun-nan bliyé Kréatè-
l la, kit li kaché figi-l louin-l, kit l-ap kouri dèyè zidòl li-yo, kit l-ap akizé
30 Bondié ki t-a abandoné-l, Bondié vivan ki vré-a san-l pa janm fatigé ap
rélé moun-nan vîn nan mistè rankont priyè-a. Démach rinmin Bondié fidèl
sa-a sé toujou li-minm ki prémié nan priyè-a, démach moun-nan sé toujou
142 yon répons. Nan mézi Bondié révélé tèt-li épi l-ap révélé moun-nan bay
moun-nan, priyè-a parèt tankou yon apèl youn ap fè lòt, tankou alé-vini
(dram) yon Alians. Palintèmediè paròl-yo épi aksion-yo, kè-a angajé nan
alé-vini (dram) sa-a ki dévoualé palintèmediè tout istoua salu-a.

ATIK 1

Nan Ansyin Téstaman-an

2568 Révélation priyè-a nan Ansyin Téstaman-an inskri ant tonbé moun-nan
410 tonbé-a ak lévé li lévé-a, ant douèlè apèl Bondié ap fè prémié pitit li-yo:
« Koté-ou ? [...] Pouki sa ou fè sa-a ? » (Gn 3, 9. 13) épi répons sèl Pitit-

1736 la antan l-ap antré sou tè-a (« Min m-ap vini, [...] Bondié, pou-m fè
volonté-ou » : He 10, 7 ; cf. 10, 5-7). Konsa priyè-a fè youn ak istoua
2738 moun-yo, li sé rélasion ak Bondié nan évenman istoua-a.

Kréasion-an – sous priyè-a

2569 Sé toudabò apati réalité ki soti nan *kréasion-an* yo viv priyè-a. Nèf
288 premié chapit Jénèz-la dékri rélasion sa-a avèk Bondié kòm ofrann premié
bèt ki fèt nan bann mouton Abèl-la (cf. Gn 4, 4), kòm invokasion Non
58 Bondié-a pou Énòk (cf. Gn 4, 26), kòm yon « maché ak Bondié » (Gn 5,
24). Ofrann Noé-a té « fè Bondié plézi », Bondié té béni-l épi
palintèmediè-l li té béni tout créatu-yo (cf. Gn 8, 20 – 9, 17), paské kè-l té
kòrèk épi antié ; li-minm tou « li té maché ak Bondié » (Gn 6, 9). Kalité
priyè sa-a yon gran kantité moun ki kòrèk nan tout rélijion-yo té viv li.

59 Nan Alians li ki pap kasé ak tout nanm vivan-yo (cf. Gn 9, 8-16),
Bondié toujou rélé moun-yo pou yo priyé-l. Min sé sitou apati papa-nou
Abraam yo révéle priyè-a nan Ansyin Téstaman-an.

Promès-la épi priyè lafoua-a

2570 Tousuit lè Bondié rélé-l, Abraam té pati « jan Granmèt-la té pasé-l lòd-
145 la » (Gn 12, 4) : kè-l totalman « soumèt bay paròl-la », li obéyi. Kè ki
kouté-a, k-ap désidé dapré Bondié-a, sé sa ki ésansièl pou priyè-a, paròl-
yo rélatif. Min priyè Abraam-nan sé nan aksion-l yo li éksprimé toudabò :
moun ki konn fè silans, li konstrui yon otèl pou Granmèt-la nan chak étap
[vouayaj li-a]. Sé pita sèlman premié priyè li fè ak paròl pral parèt : yon
plint voualé koté l-ap raplé Bondié promès li té fè-l yo li pa ouè k-ap
réalisé (cf. Gn 15, 2-3). Konsa, dépi nan kòmansman-an, gin youn nan
aspè dramatik priyè-a ki parèt : éprèv lafoua nan fidéлитé Bondié-a.

2571 Antan-l kouè nan Bondié (cf. Gn 15, 6), antan-l maché nan prezans
Bondié épi nan Alians avèk li-a (cf. Gn 17, 1-2), Patriarch-la té paré pou-l
494 résévoua Vizitè ki spésial-la nan tant li-a : sa-a sé akèy ékstraòdinè-a nan
Manbré, k-ap préparé Anonsiasion vrè Pitit Promès-la (cf. Gn 18, 1-15 ;
Lc 1, 26-38). Dépi lè sa-a, kè Abraam, lè Bondié konfié-l projè-l té
2685 ginyin-an, té konfòmé-l ak konpasion Granmèt-la aléga moun-yo épi li té
ozé intèsédé pou yo avèk yon konfians ki gin odas (cf. Gn 18, 16-33).

2572 Kòm dènié nétouayaj (purifikasion) lafoua-l la, yo mandé-l « li minm
ki té résévoua promès-yo » (He 11, 17), pou-l sakrifié pitit Bondié té ba li-
a. Lafoua-l pa fébli : « Sé Bondié k-ap okipé késion bèt y-ap touyé pou
sakrifis antié-a, pitit mouin » (Gn 22, 8), « li té konsidéré Bondié gin
pouvoua ata pou-l résisité moun sot nan pami mò-yo » (He 11, 19). Konsa
603 papa moun ki kouè-yo vîn konfòm ak résanblans Papa-a ki pa épagné
pròp Pitit li-a, min ki té rinmèt-li pou nou tout (cf. Rm 8, 32). Priyè-a réfè
moun-nan dapré résanblans Bondié épi li fè-l patisipé nan puisans rinmin
Bondié-a ki sovè pakèt moun-yo (cf. Rm 4, 16-21).

2573 Bondié rénouvle Promès li-a bay Jakòb, papa douz tribu (ras fanmi) Israèl-yo (cf. Gn 28, 10-22). Anvan li t-al afronté frè-l la Ézayu, li konbat tout lannuit ak yon « moun » étranj ki pa-t vlé révéle-l non-l, min ki té béni-l anvan-l kite-l douvanjou. Tradision spirituèl l'Égliz-la ouè nan istoua sa-a sinbòl priyè-a kòm yon konba lafoua-a épi yon viktoua pèsévérans-la (cf. Gn 32, 25-31 ; Lc 18, 1-8).

162

Moyiz épi priyè médiatè-a

2574 Lè Promès-la té kòmansé réalisé (Pak-la, Égzòd-la, kado Laloua-a épi konklizyon Alians-la), priyè Moyiz-la trasé yon modèl priyè intèsésion ki touché kè-nou épi k-ap réalisé nèt nan « yon sèl intèmédiè ki ginyin ant Bondié ak lézòm, moun sa-a, ki Kris la, Jézu » (1 Tm 2, 5).

62

2575 La-a tou, sé Bondié ki pran dévan. Li rélé Moyiz nan mitan touf rajé-a k-ap flanbé san-l pa fè sann-nan (cf. Ex 3, 1-10). Événman sa-a, nan tradision spirituèl juif-la épi krétyin-an, rété kòm youn nan premié modèl-yo pou priyè-a. Réyéman, si « Bondié Abraam-nan, Bondié Izaak-la épi Bondié Jakòb-la » rélé Moyiz sèvitè-l la, sèké li-minm li sé Bondié vivan-an ki vlé lavi pou moun-yo. Li révéle tèt-li pou-l sové yo, min li pap sové yo li-minm pou kont-li nèt ni malgré yo-minm : Li rélé Moyiz pou-l voyé-l, pou-l asosié-l nan konpasion-l nan, nan travay sové yo-a. Sé tankou yon siplikasyon Bondié ap fè anndan mision sa-a épi Moyiz, aprè yon diskision ki long, ajisté volonté-l ak volonté Bondié Sovè-a. Min nan dialòg sa-a koté Bondié bay tèt-li, Moyiz aprann priyé tou : l-ap éséyé ralé kò-l, li mété objéksion, sitou li pozé késion, épi sé pou réponn késion-l nan Granmèt-la konfié-l Non-l yo pa kapab palé-a ki pral révéle nan gran aksion-l yo.

205

2576 « Granmèt-la minm té konn ap palé avèk Moyiz fas-a-fas, tankou yon moun konn palé avèk zanmi-l » (Ex 33, 11). Priyè Moyiz-la sé modèl priyè kontanplatif-la ki fè sèvitè Bondié-a fidèl nan mision-l nan. Anpil foua épi pandan yon tan ki long, Moyiz té « fè konvèsasyon » ak Granmèt-la, antan-l monté sou mòn-nan pou-l kouté-l épi sipliyé-l, antan-l désann al kot pèp-la pou-l répété paròl Bondié-l la ba li épi pou gidé-l. « Li minm ki fidèl anpil nan tout kay mouin-an, sé bouch a bouch mouin palé avèk li, sé aklè » (Nb 12, 7-8), « sèké Moyiz sé té yon moun ki té dou anpil, pi plis pasé tout moun ki abité sou tè-a » (Nb 12, 3).

555

2577 Nan intimité sa-a avèk Bondié fidèl-la, ki pa présé fè kòlè épi ki plin rinmin (cf. Ex 34, 6), Moyiz té jouinn fòs ak pèsévérans intèsésion-l nan. Li pap priyé pou tèt pa-l, min pou pèp-la Bondié té pran-an. Déja nan batay kont Amalèk-la (cf. Ex 17, 8-13) oubyin pou rivé jouinn gérizon Miriam (cf. Nb 12, 13-14), Moyiz ap intèsédé. Min sé sitou apré apostazi pèp-la « li té kanpé nan moman déstriksion-an » dévan fas Bondié (Ps 106, 23) pou-l sové pèp-la (cf. Ex 32, 1 – 34, 9). Diskision priyè-l yo (intèsésion-an sé yon konba an sékrè tou) ap inspiré odas moun ki t-ap

2635

214 priyé tout bon-yo nan Israèl, tankou nan l'Égliz-la tou : Bondié sé rinmin, sé poutèt sa li kòrèk épi fidèl ; li pa kapab an kontradiksyon ak pròp tèt-li, li doué sonjé mèvèy li té fè-yo, kèsion-an sé osijè gloua-l : li pa kapab abandoné pèp ki poté Non-l nan.

David épi priyè roua-a

2578 Priyè pèp Bondié-a pral élaï anba lonbraj tant Bondié-a, Arch-d- Alians-la épi, apré sa, Tanp-la. Sé gid pèp-la toudabò – Pastè-yo épi Profèt-yo – ki pral aprann li priyé. Lè Samuèl té timoun, li té sètènman aprann nan min manman-l kijan pou-l « kanpé dévan Granmèt-la » (cf. 1 S 1, 9-18) épi nan min prèt Éli kijan pou-l kouté paròl li-a : « Palé, Granmèt, paské sèvitè-ou ap kouté » (1 S 3, 9-10). Apré sa li-minm tou l-ap konnin valè ak inpòtans intèsésion-an : « Kanta mouin minm fò bagay sa-a rét louin-m pou-m pa fè péché kont Granmèt la, pou-m pa sispann lapriyé pou nou, pou-m fè nou aprann chémin ki bon-an épi ki douat-la » (1 S 12, 23).

2579 David sé té roua ki dépasé tout lòt-yo « dapré kè Bondié », gadyin ki
709 priyé pou pèp li-a épi nan non pèp-la, li-minm ki pral tounin modèl priyé
436 pèp-la nan soumèt volonté-l bay Bondié, nan louanj ak pénitans. Priyé-l la, kòm moun Bondié bay onksion-an, sé té rété kolé fidèl sou Promès Bondié-a (cf. 2 S 7, 18-29), antan-l rinmin ak konfians épi li kontan nan Sa-a ki sèl Roua-a épi Granmèt-la. Nan psòm-yo, David, anba souf inspirasion Éspri-Sin-an, sé premié Profèt priyé juif-la ak priyé krétyin-an. Priyé Kris-la, véritab Mési-a épi Pitit David-la, pral révéle sans priyé-l la épi akonpli-l.

2580 Tanp Jérusalèm-nan, kay priyé David té vlé bati-a, sé travay pitit li-a,
583 Salomon, l-ap yé. Priyé Dédikas Tanp la (cf. 1 R 8, 10-61) apuiyé nan Promès Bondié-a épi nan Alians li-a, nan prezans aktif Non li-a nan mitan pèp li-a épi nan fè sonjé gran aksion Égzòd-la. Lè sa-a Roua-a lévé min nan sièl-la épi li priyé Granmèt-la pou pròp tèt pa-l, pou tout pèp-la, pou jénérasyon k-ap vini-yo, pou padon péché yo épi pou sa yo bézouin chak jou-yo, pou tout nasion-yo kapab konnin sé li-minm sèl ki Bondié épi kè pèp li-a sé pou li nèt alé.

Éli, Profèt-yo épi konvèsion kè-a

2581 Pou pèp Bondié-a, Tanp-la té doué koté yo aprann li priyé : pèlerinaj,
1150 fèt, sakrifis, ofrann asouè-a, ansan, pin « yo prezanté-yo », tout sign ki montré kijan li sin, kijan li gin gloua, Bondié ki Anro nèt-la épi ki touprè-a, sé apèl ak chémin priyé yo té yé. Min répétision rit-yo té trinnin pèp-la anpil foua nan yon sèvis ki té trò sou déyò sèlman. Édikasyon lafoua-a épi konvèsion kè-a té nésésè. Sé sa ki té mision Profèt-yo anvan épi apré Égzil-la.

- 2582 Éli sé papa Profèt-yo, nan « jénèrasion moun k-ap chèché-l yo, k-ap chèché fas Bondié Jakòb-la » (Ps 24, 6). Non-l [ki vlé di] « Granmèt-la sé Bondié-m », ap anonsé rèl pèp-la k-ap bay priyè Éli-a yon répons sou mòn Karmèl-la (cf. 1 R 18, 39). Sin Jak ranvouayé nou kot Éli pou-l ankourajé nou priyé : « Priyè moun ki kòrèk-la fè avèk pèsévérans-la, li gin anpil valè » (Jc 5, 16b-18).
- 2583 Apré-l fîn aprann mizérikind-la nan rétrèt li té fè bò riviè Kérit-la, li anségné vèv Sarépta-a lafoua nan Paròl Bondié-a, antan-l konfimé lafoua sa-a ak insistans priyè-l la : Bondié fè pitit vèv-la rétounin viv (cf. 1 R 17, 7-24).
- 696 Nan tan sakrifis sou mòn Karmèl-la, yon épèrèv définitif pou lafoua pèp Bondié-a, poutèt siplikasion Éli-a, difé Granmèt-la boulé sakrifis antié-a, « lè tan té rivé pou yo ofri sakrifis » asouè-a : « Réponn mouin, Granmèt, réponn mouin » (cf. 1 R 18, 37), sé minm paròl Éli sa-yo litiji oriental-yo toujou anlouayé nan Épiklèz Ékaristi-a (cf. 1 R 18, 20-39).
- 555 Anfin, antan-l réfè chémin dézè-a jous koté Bondié vivan épi vré-a té révélé-l bay pèp li-a, Éli té ranmansé kò-l tankou Moyiz « nan trou ròch-la » pandan prezans Bondié « ap pasé » yon fason kaché (cf. 1 R 19, 1-14 ; Ex 33, 19-23). Min sé sèlman sou mòn Transfigirasion-an sa yo t-ap chèché fas li-a pral dévoualé pou yo (cf. Lc 9, 30-35) : konésans gloua Bondié-a ki sou fas Kris-la yo krisifié-a épi résisité-a (cf. 2 Co 4, 6).
- 2584 Nan rété « pou kont yo ak Bondié »-a, Profèt-yo tiré limiè ak fòs pou mision yo-a. Priyè yo-a sé pa yon pran lafuit parapò a moun sou tè-a ki infidèl, min sé kouté paròl Bondié-a, pafoua sé yon diskision oubyin yon lamantasion, sé toujou yon intèsésion k-ap tann épi k-ap préparé intèvansion Bondié Sovè-a, Granmèt istoua-a (cf. Am 7, 2. 5 ; Is 6, 5. 8. 11 ; Jr 1, 6 ; 15, 15-18 ; 20, 7-18).

Psòm-yo, priyè Asanblé-a

- 2585 Dépi David jous nan Avènman Mési-a, Liv Sakré-yo gin tèks priyè ladan-yo ki témouagné pi profondéman pèsépsion priyè-a pou moun k-ap priyé-a minm épi pou lòt-yo (cf. Esd 9, 6-15 ; Ne 1, 4-11 ; Jon 2, 3-10 ; Tb 3, 11-16 ; Jdt 9, 2-14). Psòm-yo (oubyin « Louanj »-yo) sé pi bèl prodiksyon priyè nan Ansyin Téstaman-an.
- 2586 Psòm-yo nourri épi éksprimé priyè pèp Bondié-a kòm asanblé, alokasyon gran fèt-yo nan Jérusalèm épi nan sinagòg-yo chak samdi. Priyè sa-a alafoua pèsònèl épi kominotè san okinn séparasion, yo konsèné moun k-ap priyé-yo épi tout moun ; l-ap monté sot nan Tè-Sint-la épi sot nan kominoté Diaspora-a, min li anbrasé tout kréasyon-an ; li fè sonjé évenman salu-yo ki pasé-yo épi li élaji jous istoua-a fîn réyalizé ; li sonjé

- 1177 promès-yo Bondié fè-a, yo déjà akonpli épi l-ap tann Mési-a k-ap réalizé yo nèt définitivman. Psòm-yo, Kris-la té résité épi ki akonpli nan li, kontinué rété ésansièl pou priyè Égliz-la (cf. IGLH 100-109).
- 2587 Nan liv Psòm-yo, Paròl Bondié-a tounin priyè moun-nan. Nan lòt liv Ansyin Téstaman-an sa rivé pou « paròl-yo [...] proklamé travay [Bondié fè pou moun-yo] épi kléré mistè ki anndan yo-a » (DV 2). Nan liv Psòm-yo, paròl moun ki konpozé Psòm nan ap ékspriyé travay sové Bondié sové nou-an antan l-ap chanté travay sa-yo pou li. Minm Éspri-a inspiré 2641 travay Bondié-a épi répons moun-nan. Kris-la fè toulèdé fè youn. Nan li, psòm-yo pa sispann aprann nou priyé.
- 2588 Diféran ékspresion priyè psòm-yo résévoua fòm an minm tan nan litiji Tanp-la épi nan kè moun-nan. Psòm-yo, kit sé imn yo yé, priyè kè séré oubyin aksion-d-gras, siplikasion yon moun oubyin yon kominoté, kantik pou roua-a oubyin kantik pèlerinaj, méditation sajès, yo sé glas koté gran aksion Bondié-yo nan istoua pèp li-a parèt épitou sitiasion moun-yo ki konpozé Psòm-nan ap ékspérimanté nan lavi-a. Yon psòm kapab réflété imaj évenman ki pasé, min li tèlman byin réglé (ak sobriété) sa fè moun tout kondision épi tout tan kapab résité-l an tout vérité.
- 2589 Gin kèk lign ki travèsé psòm-yo tout tan : sinplisité priyè-a épi élan spontané-l, anvi Bondié li-minm épi tout sa ki bon nan kréasion-l nan, kondision moun ki kouè-a ki pa alèz-la, li-minm ki poutèt rinmin aléga Granmèt-la li préféré-a, li tonbé nan danjé pakèt kantité ènmi-yo ak tantasion-yo, épi, antan l-ap tann sa Bondié fidèl-la pral fè, li asiré osijè 304 rinmin-l nan épi li rinmèt li volonté-l. Priyè psòm-yo toujou pousé fè louanj épi sé poutèt sa yo bay koléksion-an tit ki byin korésponn ak sa-l transmèt nou : « Louanj-yo ». Kòm sé pou sèvis asanblé-a yo té rasanblé yo, sa fè nou tandé apèl pou priyè-a épi nou chanté répons ba li : « *Hallelou-Ya* » ! (Alélouya), « Fè louanj Granmèt-la ! »

« Kisa-k pi agréab pasé yon psòm ? Sé pou sa David di yon fason ki bèl : “Fè louanj, Granmèt-la, paské psòm-nan sé yon bon bagay ; pou Bondié nou-an sé pou louanj-la dous épi bèl”. Épi sé vré ; réyèlman psòm-nan sé bénédikcion pèp-la, louanj Bondié, louanj pèp-la fè, aplodisman tout moun, paròl tout inivè-a, voua l’Égliz-la, déklarasion lafoua an chantan... » (S. Ambroise, Psal. 1, 9 : PL 14, 924).

RÉZIMÉ

- 2590 « *Priyè-a sé lévé léspri-a monté nan Bondié : oubyin sé mandé Bondié bagay ki konvnab-yo* » (S. Jean Damascène, f. o. 3, 24 : PG 94, 1089D).
- 2591 *San-l pa fatigé, Bondié ap rélé chak moun pou vîn rankontré-l nan sékrè priyè-a. Priyè-a akonpagné tout istoua sové nous ové-a tankou yon apèl Bondié ak moun-nan ap fè youn lòt.*

- 2592 *Priyè Abraam ak Jakòb-la prezanté tankou yon konba lafoua-a ki fè fidèlité Bondié-a konfians épi ki asiré osijè viktoua-a, sa yo promèt pèsévérans-la.*
- 2593 *Priyè Moyiz-la réponn inisiativ Bondié vivan-an pou sovè pèp li-a. Minm priyè-a sé préfigirasion intèsésion sèl médiatè-a, Kris Jézu.*
- 2594 *Priyè pèp Bondié-a élaji anba lonbraj tant Bondié-a, Arch-d-Alians-la épi Tanp-la, anba konduit Gadyin-yo, sitou roua David épi Profèt-yo.*
- 2595 *Profèt-yo ap rélé pou konvèsion kè-a épi, avèk chalè, tankou Éli, antan y-ap chèché fas Bondié, yo intèsédé pou pèp-la.*
- 2596 *Psòm-yo sé pi bèl travay priyè nan Ansyin Téstaman-an. Yo prezanté dé éléman inséparab : yo pèsonèl, yo kominotè. Yo lonjé sou tout dimansion istoua-a, yo fè sonjé promès Bondié ki déja akonpli-yo épi y-ap tann Avènman Mési-a.*
- 2597 *Psòm-yo, Kris-la té résité-yo épi yo akonpli nan li, yo rété kòm éléman ésansièl épi pèmanan pou priyè l'Égliz-la. Yo adapté pou moun tout kondision épi tout tan.*

[◀Atik
anvan-an](#)

[Gid jénéral-la](#)

[Atik▶
après-a](#)